



Broj: 0101-7558/20
Sarajevo, 15. 07. 2020. godine

Bosna i Hercegovina
Federacija Bosne i Hercegovine

SARAJEVO 27-07-2020

Organizaciona jedinica	01	04	20702-2225
------------------------	----	----	------------

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
n/r Gosp. Mirza Čelik, predsjedavajući Skupštine Kantona Sarajevo
Sarajevo

Predmet: Odgovor na zastupničko pitanje gđe Vildane Bešlija (veza: Vaš akt broj: 01-04-20702-68/20 od 19. 06. 2020. godine), *dostavlja se*

Poštovani gospodine Čelik,

u vezi sa Vašim aktom (gornji broj), u nastavku Vam dostavljamo odgovor na zastupničko pitanje gđe. Vildane Bešlija, a koje se tiče aktivnosti vezanih za realizaciju inicijative za preuređenje prostora u Kampusu Univerziteta u Sarajevu i pretvaranje istog u parkovsku površinu pod imenom „Studentski park – Goran Čengić“:

Tokom mjeseca maja 2019. godine održan je početni sastanak sa tadašnjim premijerom Vlade Kantona Sarajevo, te je tom prilikom iskazana spremnost za pomoć, u okviru nadležnosti resornog Ministarstva komunalne privrede i infrastrukture, a s ciljem poboljšanja stanja u Kampusu Univerziteta u Sarajevu.

Jedno od gorućih pitanja bila je potreba Univerziteta u Sarajevu da se očisti zelena površina ispred objekta broj 3 (zapuštena zelena površina na južnom dijelu Kampusu uz glavnu saobraćajnicu Zmaja od Bosne). Predmetni prostor se nije koristio od završetka rata zbog mogućeg postojanja neeksplodiranih ubojitih sredstava (NUS-a).

U julu 2019. godine održan je sastanak sa predstavnicima Ministarstva komunalne privrede i infrastrukture Kantona Sarajevo, Federalne i Kantonalne uprave civilne zaštite, te predstavnicima Centara za uklanjanje mina u BiH (BH MAC), na kojem je Univerzitet u Sarajevu predstavio prioritete radove potrebne za uređenje spomenute površine. U skladu sa zaključcima sa sastanka, pomenuta zelena površina ispred objekta broj 3 je pregledana od strane stručnog tima, te je utvrđeno da na predmetnom prostoru nije uočeno postojanje NUS-a, a čime su se stvorili uslovi za pristup čišćenju predmetnog prostora.

Početkom avgusta 2019. KJKP „Park“ započinje radove krčenja i čišćenja zelene površine. Predstavnicima Univerziteta u Sarajevu su propratili radove koji su trajali dvije sedmice, te je u tom periodu KJKP „Park“ očistio čitavu površinu ispred objekta broj 3 tj. uklonjena su samonikla, suha i oštećena stabla, visoko grmlje na slobodnim površinama i u pojasu uz ogradu. Prethodno je podrazumijevalo rad stručne radne snage, kao i upotrebu posebne mehanizacije. Nakon izvedenih radova, posječena drvena i bio-masa je uklonjena iz Kampusu i odvezena na gradsku deponiju.

Naredne aktivnosti, planirane za 2020. godinu, su uključivale mašinsko uklanjanje panjeva preostalih nakon sječe i krčenja. Vlada Kantona Sarajevo je predložila da budući park nosi ime „Studentski park –Goran Čengić“, te je planiran natječaj za idejno rješenje parka među studentima Akademije scenskih umjetnosti i Arhitektonskog fakulteta Univerziteta u Sarajevu. Namjera je bila da se studentima pruži prilika da osmisle i iskoriste prostor parka kao multifunkcionalnog prostora, namijenjenog široj populaciji studenata i stanovnika okolnih naselja.

Iako natječaj u nastavku nije raspisan, pomenuta inicijativa je izvedena kao semestralni studentski zadatak koji su radili mješoviti timovi studenata Univerziteta u Sarajevu, ali zbog proglašenja nesreće i ostalih dešavanja vezanih za COVID-19, sama izložba i prezentacija radova nije realizirana.

U toku trećeg kvartala tekuće godine, planiran je nastavak izvođenja pripremnih radova na čišćenju parkovske površine, u skladu sa raspoloživim finansijskim sredstvima dostupnim za ovu namjenu.

S poštovanjem,

~~REKTOR~~



Dostaviti:

- ☐ Naslovu
- Arhivi